

Was merr su babbeld

Honnes, wo warsde donn su long?
Isch habb die Zeidung geholld.
Wo hosden die geholld?
Ei im Briefkassde.
Unn doodeferr brauchdsde zeh Minudde?
Zeh Minudde! Villeischd finf.
No ja, bei mir giehts schneller.
Aach nitt, wenss Schloss kabutt iss.
Wie, ess Schloss kabutt iss?
Ess gieht nimmi zuzeschließe.
Gessdern gings noch.
Awwer schwer, heit giehts garnimmi.
Unn?
Was unn?
Was willsden mache?
E neies kaafe.
Waaßde donn, wie groß dess soi muss?
Naa. Isch muss dess ahle ausbaue.
Unn wie willsde dess mache?
Mett de Wasserbumbezong.
Unn wie?
Doo iss su enn schmale Ring ...
... den kriehsde mett unserne Zong nitt uff.
Warum donn nitt?
Die hosde doch letzdens kabutt gemacht.
Doo kaaf isch halt e nei.
Also fährtde zwaamol bei de Graulich.
Ja. De erst holl isch die Zong ...
... unn donn ess Schloss, wassen Umstond.
Isch fahr jetz. Wo issen de Audoschlissel?
Villeischd noch in doiner Jack.
Awwer erst gieh isch noch emol uff de Kloo.

Bissde jetz su weit, dassde fahrn konnsd?
Ja. Moi Portmonnee habb isch oigesteggd.
Also gude Fahrt.
Was heeßden dess schunn widder?
Dassde nitt ze fahrn brauchst.
Warum donn nitt?
Gugg emol nooch dem Schloss.
Ei dess iss joo zu, e Wunner!
Naa, koo Wunner, enn Drobbe Eel!

Eiern Honnes